



Na osnovu člana 24. Statuta općine Gradačac („Službeni glasnik općine Gradačac”, broj 4/08 i 5/12), člana 45. stav 2. Odluke o komunalnom redu i sanitarnom minimumu («Službeni glasnik općine Gradačac», broj: 7/07, 6/08, 2/09, 9/10, 3/11), Općinsko vijeće općine Gradačac, na _____ sjednici održanoj dana _____ 2015. godine, d o n o s i

ODLUKU
o visini naknade za korištenje dijela javne površine na području općine Gradačac
za 2015. godinu

Član 1.

Ovom Odlukom utvrđuje se naknada za zauzimanje dijela javne površine za 2015. godinu i to po zonama utvrđenim odredbama Odluke o građevinskom zemljištu.

Član 2.

Za korištenje dijela javne površine za postavljanje poslovnih objekata tipa kiosk, za 1 m² po zonama, plaća se mjesečna naknada u sljedećem iznosu:

-u zoni I	10,00 KM
-u zoni II	4,00 KM
-u zoni III	3,00 KM
-u zoni IV	2,00 KM
-u zoni V	1,00 KM
-u zoni VI	0,80 KM
-ostalo građevinsko zemljište ...	0,50 KM

Član 3.

Za korištenje dijela javne površine u svrhu lociranja ljetnih i zimskih bašta ispred poslovnih prostora, kao i zauzimanje dijela javne površine u svrhu izlaganja i prodaje robe ispred poslovnog prostora, za 1 m² po zonama plaća se mjesečna naknada u sljedećem iznosu:

-u zoni I	6,00 KM
-u zoni II	4,00 KM
-u zoni III	3,00 KM
-u zoni IV	2,00 KM
-u zoni V	1,00 KM
-u zoni VI	0,80 KM
-ostalo građevinsko zemljište ...	0,50 KM

Plaćanje naknade za zauzimanje javne površine za ljetne bašte vrši se od 01.aprila do 31.oktobra tekuće godine, a za zimске bašte od 01.novembra tekuće godine do 31.marta naredne godine.

Plaćanje se vrši za svaki mjesec unaprijed, najdalje do petog (5.) u tekućem mjesecu.
Za prodajno izložbeni prostor naknada se plaća tokom cijele godine u kvartalnom iznosu (tri rate).

Dokaz o uplati za svaki mjesec, odnosno za kvartalnu uplatu, korisnik je dužan dostaviti Službi za urbanizam i komunalne poslove radi vođenja Registra uplata.

Član 4.

Za korištenje dijela javne površine za postavljanje rashladnih uređaja za prodaju sladoleda i osvježavajućih napitaka tipa frižider, kao i aparata za uličnu proizvodnju i prodaju kokica i drugih proizvoda, naknada se plaća mjesečno po 1 m² u sljedećem iznosu, po zonama:

-u zoni I	10,00 KM
-u zoni II	6,00 KM
-u zoni III	5,00 KM
-u zoni IV	3,00 KM
-u zoni V	2,00 KM
-u zoni VI	1,00 KM
-ostalo građevinsko zemljište ...	0,50 KM

Plaćanje naknade iz stava 1. ovog člana se vrši za svaki mjesec unaprijed, najdalje do petog (5.) u tekućem mjesecu.

Član 5.

Za zauzimanje dijela javne površine u cilju postavljanja prodajnih tezgi- stolova, kao i pokretnih tezgi- stolova tipa točkaša i štandova, plaća se dnevna naknada po zonama u sljedećem iznosu:

-u zoni I	6,00 KM
-u zoni II	4,00 KM
-u zoni III	3,00 KM
-u zoni IV	2,00 KM
-u zoni V	1,00 KM
-u zoni VI	0,80 KM
-ostalo građevinsko zemljište ...	0,50 KM.

U svrhu prodaje ukrasnih predmeta, cvijeća, čestitki, suvenira i slično, na tezgama, stolovima i štandovima iz predhodnog stava, u dane državnih i drugih praznika, plaća se dnevna naknada po zonama u sljedećem iznosu:

-u zoni I	10,00 KM
-u zoni II	8,00 KM
-u zoni III	6,00 KM
-u zoni IV	4,00 KM
-u zoni V	2,00 KM
-u zoni VI	1,60 KM
-ostalo građevinsko zemljište ...	1,00 KM.

Zauzimanje javne površine za postavljanje objekata iz predhodnog stava vrši se na period najviše do 10 dana.

Za zauzimanje javne površine u svrhu postavljanja zabavnih parkova, cirkusne šatre i drugih zabavnih sadržaja, plaća se dnevna naknada u iznosu 0,5 KM/m².

Član 6.

Zauzimanje dijela javne površine za objekte iz člana 2. ove Odluke, zatim zauzimanje javnih površina u svrhu postavljanja ljetnih bašti koje nisu sastavni dijelovi poslovnih objekata i prostora, kao i

zauzimanje javnih površina u svrhu postavljanja reklamnih panoa, vrši se u skladu s Programom utvrđivanja lokacija za zauzimanje javnih površina.

Član 7.

Po donošenju Programa iz predhodnog člana, provest će se postupak javnog nadmetanja- licitacije, u skladu sa članom 43. Odluke o komunalnom redu i sanitarnom minimumu.

Do okončanja postupka iz predhodnog stava, za objekte iz člana 2. ove Odluke, plaćat će se naknada ustanovljena u istom članu.

Član 8.

Zauzimanje javnih površina, osim u slučajevima iz člana 6, odobrava se na osnovu pojedinačnih zahtjeva.

Privremeno zauzimanje dijela javne površine za objekte ljetnih i zimskih bašta ispred poslovnih prostora, prostorije za zazimanje dijela javne površine za lociranje prodajnog mjesta ispred poslovnog prostora i objekte iz člana 4. i 5. ove Odluke, vrši se na osnovu odobrenja Općinske službe za urbanizam i komunalne poslove - Odsjek komunalnih poslova.

Prije izdavanja odobrenja, potrebno je pribaviti stručno mišljenje od Općinske službe za urbanizam i komunalne poslove-Odsjek urbanizma.

Član 9.

Privremeno zauzimanje javnih površina za postavljanje ljetnih bašta odobrava se za period od 01.aprila do 31.oktobra tekuće godine, a za zimske bašte od 01. novembra tekuće godine do 31. marta naredne godine.

Na zahtjev korisnika, korištenje javne površine se može odobriti i na duži period u toku tekuće godine, s tim što korisnik plaća punu visinu za odobreni period, kako je utvrđeno članom 3. ove Odluke.

Član 10.

Ova Odluka stupa na snagu danom objavljivanja u "Službenom glasniku općine Gradačac."

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA GRADAČAC
– Općinsko vijeće -

Broj: _____
Gradačac, _____ 2015. godine

PREDSJEDAVAJUĆI
OPĆINSKOG VIJEĆA

Šakić Enir, s.r.

O B R A Z L O Ž E N J E
prijedloga Odluke o visini naknade za korištenje dijela javne površine na području općine
Gradačac za 2015. godinu

Odredbom člana 45. stav 2. Odluke o komunalnom redu i sanitarnom minimumu («Službeni glasnik općine Gradačac», broj: 7/07, 6/08, 2/09, 9/10, 3/11), određeno je da visinu naknade za zauzimanje javnih površina utvrđuje Općinsko vijeće na prijedlog Općinskog načelnika, u zavisnosti od namjene za koju se vrši zazimanje zemljišta i od zone u kojoj se zemljište nalazi.

Zauzimanje javne površine vrši se u skladu sa Programom utvrđivanja lokacija za zauzimanje javnih površina, kao i u skladu sa članovima 44. i 47. Odluke o komunalnom redu i sanitarnom minimumu.

Imajući u vidu da je, u odnosu na Odluku o visini naknade za korištenje dijela javne površine na području općine Gradačac za 2014. godinu, visina naknade za šest zona gradskog građevinskog zemljišta ostala nepromijenjena, te da je istom Odlukom propušteno regulisanje zauzimanja javne površine u svrhu postavljanja zabavnih parkova, cirkusne šatre i drugih zabavnih sadržaja, urađen je prijedlog navedene Odluke u datom tekstu.

OBRAĐIVAČ

Općinska služba za urbanizam
investicije i komunalne poslove

PREDLAGAČ

Općinski načelnik

